

DNEVNI AVAZ, 27.02.2007.godine

Boginji pravde iz ruke ukrali vagu

Ispred zgrade Kantonalnog suda u Novom Travniku postavljene su dvije statue. Kao i ispred većine pravosudnih institucija, jedna je statua boginje pravde koja ima povež preko očiju, mač u desnoj i vagu u lijevoj ruci. Riječ je o umjetničkom djelu akademskog kipara Zdenka Jurišića.

Međutim, novotravničkoj boginji pravde nedostaje vaga. Kako smo doznali u Kantonalnom sudu, vandali su uspjeli skinuti vagu, a akademski kipar Zdenko Jurišić će uskoro na svoje umjetničko djelo postaviti novu vagu.

DNEVNI AVAZ, 14.05.2007.godine

Novotravnička „Boginja pravde“ dobila vagu

Na statuu „Boginje pravde“ ispred zgrade Kantonalnog suda u Novom Travniku konačno je postavljena vaga. Kako je „Avaz“ pisao prije tri mjeseca, vandali su sa statue, a riječ je o djelu akademskog kipara Zdenka Jurišića, skinuli vagu.

Kako su nam tada kazali u Kantonalnom sudu, od autora je naručena nova, koja je sada završena i postavljena na statuu.

